

如實知四諦，應斷及應修，惑苦滅應證，由滅得涅槃。

先得法住智，後得涅槃智；依俗契真實，正觀法如是。

正思向於厭，向離欲及滅。

正語業及命，淨戒以為性。

始則直其見，次則淨其行；足目兩相成，能達於彼岸。

正勤遍策發，由念得正定，依定起證慧，慧成得解脫。

佛說諸道品，總集三十七，道同隨機異，或是淺深別。